



Publicaziuns officialas dils 27-03-2020

Damondas da baghegiar

Nr. 23/2020

Datum da publicaziun: 27-03-2020
Patrun: Deplazes Sandro e Natalia, 7172 Rabius
Liug e parcellas: Catat; 119
Object: construcziun d'ina bargia da lenna

Nr. 34/2020

Datum da publicaziun: 27-03-2020
Patrun: Degonda Heimo, 7176 Cumpadials
Representant: ipz ingenieure + planer SA, 7180 Mustér
Liug e parcellas: Sontget; 6232
Object: adattaziun dalla stalla, adattaziun dalla via d'access e nova puschinera cun platta da grascha

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 27-03-2020

Cumissiun da baghegiar

Radunonza da vischnaunca

Muort il coronavirus vegn la radunonza da vischnaunca da **mardis, ils 31 da mars 2020** spustada. Il niev datum dalla radunonza vegn communicaus a dretg temps. Bien engraziament per Vossa capientscha.

Sumvitg, 27-03-2020

Suprastonza communal

Scamond da far fiug

Egl entir cantun vala naven dils 25 da mars 2020 tochen revocaziun in general scamond da far fiug. Buca pertuccada ei la zona da habitar, sche la distanza da 50 m tier igl uaul sa vegnir garantida.

Sin fundament dil virus da corona vegnan ils spitals sco era las organisaziuns da sustegn polizia, schurmetg civil, pumpiers ed il militar als cunfins dallas capacitads pusseivlas. Ord quei motiv ha la regenza ralaschau in general scamond da far fiug. Cun quella mesira duei la resca d'in incendi digl uaul ed ina surcargada dallas organisaziuns da sustegn vegnir minimada.

Sumvitg, 27-03-2020

Suprastonza communal

Purschidas dil commerci e dalla gastronomia

Dapi gliendisdis, ils 16 da mars 2020, ei era en Surselva la veta da mintgadi stada eri. Quei ha imensas consequenzas per il commerci da detagl e la gastronomia. Duront che las grondas fatschentas untgeschan immediat sin lur canal online, han numerusas fatschentas en Surselva extendiu lur purschidas sin furniziuns a casa, retratgas ord scaffas da brevs ni creau in commerci online ed ina spediziun postala. Biars offerents miran da furnir il medem di e per ordinari gratuitamein. Nus appelein a tuts da semussar solidarics cun nies commerci e da profitar da nos partenaris locals cun lur purschidas innovativas en quella situaziun speciala. Cun Vies sustegn sa nies commerci survivor quella crisa. Ensemen vegnin nus a dar damogn a quella crisa.

Tuttas purschidas dil commerci e dalla gastronomia en Surselva en fuorma da carta anfleis Vos sut www.surselva.shop respectiv www.grhome.ch.

Sumvitg, 27-03-2020

Administraziun communal

Coronavirus

Sco Vos haveis segirafranc gia intervegniu ha la Regenza dil cantun Grischun priu differentas mesiras per impedir la derasaziun dil coronavirus. Per las controllas dallas mesiras ein las vischnauncas responsablas.

Il stab da crisa dalla vischnaunca da Sumvitg ha priu enconuschientscha dallas mesiras e fa il pusseivel sin intschess dalla vischnaunca da Sumvitg per impedir la derasaziun dil virus.

En quei connex supplichescha il stab da crisa da risguardar ils cussegls pertuccont la higiena:

- tener distanza
- lavar da rudien ils mauns cun savun
- desister sin dar il maun
- sturnidar ni tuoscher en fazalet ni foppa dil cumbel
- cun tuos ni febra star a casa
- visitar il miedi ni staziun d'urgenza mo cun annunzia

Dapi ils 14 da mars 2020 ein tut las activitads d'uniuns scumandadas. Plinavon ein tut ils loghens da sediverti serra. Nus supplichein da setener vid ils scamonds.

Administraziun communal

Il spurtegl dall'administraziun communal resta pil mument serraus. Tuttas damondas all'administraziun ston succeder en emprema lingia per telefon ni e-mail. L'administraziun communal decida allura schebein ei drova in'audienza.

Agid per gruppas da resca

Per personas dalla gruppa da resca sco senior/as (65 +) ni personas cun malsognas che duessan buca bandunar la casa che basegnan agid (p. ex. far cumissiuns, pagaments da banca, posta, viadis tier miedis etc.) porscha la vischnaunca agid. Talas personas ein supplicadas da s'annunziar tier l'administraziun communal (081 920 25 00). La vischnaunca vegn a sestentar per procurar per in agid corrispudent.

Duront las proximas jamnas ei il stab crisa contonschibels duront 24 uras sin la numera 081 920 25 00. Ulteriuras informaziuns ein disponibilas sin las paginas d'internet www.sumvitg.ch e www.gr.ch.

Cunquei che la situaziun dil virus sa semidar supplichien nus da cuntinudamein s'informar.

Nus supplichein per enconuschientscha e supplichein da risguardar las mesiras. Mo comunablamein savein nus impedir la derasaziun dil coronavirus.

Sumvitg, 27-03-2020

Stab da crisa

Vignettas da mopeds

La vignetta da mopeds 2020 sa vegnir retratga tier l'administraziun communal. La taxa munta frs. 43.--.

Sumvitg, 27-03-2020

Administraziun communal

Cumpensaziun per la sperdita da gudogn muort mesiras dil coronavirus

Il 20 da mars 2020 ha il Cussegl federal decidiu differentas mesiras per reducir las consequenzas economicas d'uront il temp da corona. Quellas mesiras ein retroactiv valeivlas naven dils 17 da mars 2020.

Igl uffeci federal per assicuranzas socialas e las cassas da cumpensaziun d'AVS ein vidlunder d'organisar la procedura d'annunzia, ils sclariments e la procedura da pagaments. Tgi ha il dretg sin ina cumpensaziun?

- Geniturs cun affons sut 12 onns che han stuiu calar da luvrar cun quei che la tgira d'affons ordeifer la famiglia era buca pli garantida.
- Persunas che han stuiu calar da luvrar muort mesiras da quarantina.
- Persunas che lavuran sursez e che han ina sperdita da gudogn cun quei ch'ellas astgan muort las mesiras dil cussegl federal buca pli luvrar.
- Artists independents ch'ei pertuccai d'engaschis annulai entras il coronavirus.

Per retrer la cumpensaziun ei in'annunzia tier la cassa da cumpensaziun necessaria. Ulteriuras informaziuns ein disponiblas sin las paginas e www.bsv.admin.ch e www.sva.gr.ch.

Nus supplichein per enconuschientscha e stein bugen per damondas a Vossa disposiziun.

Sumvitg, 27-03-2020

Administraziun communal

Lenna da brisch 2020

La vischnaunca da Sumvitg offerescha a vischinas e vischins la cumpra da lenna da brisch sco suonda:

Pégn

Igniu, Falens, Plaun Petschen

55.00 frs/m³

Auters loghens sin damonda.

Ils prezis secapeschan excl. taglia sin plivaleta. Cundiziuns da pagament ein 30 dis net. Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl Uffeci forestal Sumvitg, Via Quadras Su 10, 7175 Sumvitg, ni e-mail: uffeci.forestal@sumvitg.ch, ni per telefon (081 920 25 06). Las empustaziuns ston succeder entochen sil pli tard venderdis, ils **3 d'avrel 2020**.

Bien engraziament per Vossa empustaziun!

Sumvitg, mars 2020

*Il selvicultur da revier
Flurin Cathomas*

Societad da musica Sumvitg/Cumpadials

Muort la situaziun extraordinaria dil coronavirus hal la Societad da musica Sumvitg/Cumpadials decidiu da dar giu il concert annual **dils 9 da matg 2020**. Plinavon vegn la fiasta da giubileum da 125 onns **dils 12-14 da zercladur 2020** spustada per in onn. Il motiv da dar giu il concert annual e da spustar definitivamein nossa fiasta da giubileum ei la situaziun malguesa pertuccont la vehemenza ed il cuoz dalla pandemia. Nossa populaziun vegn aunc ad esser occupada in temps cun ils ils quitaus da mintgadi. Legreivlamein savein nus gia comunicar a Vus ils termins per la proxima sesiun da musica: concert annual: **8 da matg 2021**, fiasta da giubileum da 125+1 onn: **11-13 da zercladur 2021**. Nus giavischein a Vus vinavon buna sanadad!